

tinua et inflexibilis quoniam eternum est stabile continuum inflexibiliter quod est dicere indefinibiliter. essentia igitur eternitatis contraria est fluxibilitati et desinentie. Non recipit igitur illam vel in se vel in partibus suis cum essentia ipsius ab essentia partium contrarietate diuersari non possint. Jam igitur declaratum est tibi per hoc tempus non esse eternitatem nec partem eternitatis et in eternitate non posse esse prius neque posterius secundum successiones aut fluxum siue desinentiam. Quare esse eternitatis totum simul est non inquantum simul comitatur temporalis sed abnegatione positivitatis et posterioritatis. quoadmodum si dicerem quod in ea nihil ante. nihil post. Declaratum etiam est tibi ipsam esse infinitam et interminabilem ex utraque parte hoc est nec habere principium. nec habere finem. Sic nec habere primum nec habere ultimum. et propter hoc nec habere medium. Ubi enim est medium in duratione necesse est esse prius et posterius et successionis ordinem. quare simpliciter et impartibile necesse est esse eternitatem hoc autem sequitur multe questiones. Prima est cum eternitas sit impartibilis. tempus autem infinitum partibile est igitur eternitas ad tempus quoadmodum ipsum nunc impartibile ad totum tempus. Quare tempus est infinitum maius quam eternitas. Nemo autem dubitauit usque hodie. quin eternitas sit maior in infinitum tempore. et quia tempus infra eternitatem est ipsum enim et precedit eternitas et sequitur. Si enim cessaret tempus prius ipsum eternitas. hoc est dicere. si desineret esse tempus. Similiter si cepit tempus ante ipsum fuit eternitas.

Attende igitur quod ipse creator benedictus simplex et impartibilis et tamen est infinitus et immensus amplitudine sua et immensitate omnia inter se continens et circumsidans. Qua autem amplitudine et circumspectione omnia circumsidat et circumscribit intra se. et claudit omnia atque continet. Manifestum est quia in corpali. Attende et aliud exemplum. quod species que in se impartibilis est corporaliter id est secundum longum et latum et altum. Sic et linea amplitudine generalitatis que utique spiritualis amplitudo est. Continetur vero corpali non continetur nisi presuas. Alio modo non continetur puncta que in ea sunt ad quarum nullum habet in quantitate comparationem proportionalem. et propter hoc verissime dicis in infinitum maior quam eorum. hoc est super omnem proportionem cum sit ad unum

quodammodo ipsum plusquam dupla plusquam tripla et ita in infinitum. Verissime igitur dici potest ex eis que iam dixi tibi quod in diuiduum est in amplitudine speciei. Sic punctum in linea et hoc est quoniam numerus indiuiduorum infinitus est. quare amplitudo speciei potencialiter infinita est quantum ad indiuidua. Non enim continet amplitudo tamen eius proportionaliter indiuidua que sunt in actu. imo quocumque esse possunt et quocumque ratio ipsius potest competere. quod est dicere quod non est limitata hec species homo ut continere non possit nisi indiuidua que sunt vel que fiunt vel que futura sunt quasi operet capacitate eius et amplitudinem dilatare si placeret creatori plures homines creare quam apud se statuerit aut angustari si pauciores ei creare placuisset. Omni quippe intelligenti manifestum est in amplitudine speciei in se utriusque immutatas penitus permanere. Et propter hec exempla auencebron licet laudanda sint et intellectum post admirationem non tamen ita propria sunt et conuenientia materie de qua agitur hic. Dixit enim idem philosophus quod mundus sensibilis siue sensibilis est in ipso et vniuersali quasi diceret in altitudine vel amplitudine entis et accipias ens commune ac generale tanquam commune omnium. In illa amplitudine continentis ipsius est mundus sensibilis tanquam nauicula in medio maris aut tanquam auicula in medio aeris. Non enim dubitandum est quin et mare finitum sit et aer et quod finitum non potest continere infinita eiusdem quantitate hoc est quantitate eiusdem generis cum ipso et propter hoc mare quantumcumque sit non potest capere nauiculas infinitas quantumcumque paruas. Similiter neque aer auiculas. Declaratum enim est tibi alias quod nullum finitum aggregatum esse potest ex infinitis tantis sui generis quod est dicere. nulla quantitas ex infinitis cubitis et digitis. Quare manifestum est. quia quocumque nauicula quantumcumque parua in mari existente detrahitur amplitudini maris capacitate ipsius nauicule quantumcumque parue. Quare manifestum est certum esse numerum et determinatum ultra quem non posset capere etiam vnam nauiculam vel medietates vnius de nauiculis intelligo equalis quantitatatis. Necesse igitur esset ipsum dilatari et additionem fieri supra amplitudinem eius. Si maior numerus nauium in ipsum mittendus esset. De amplitudine autem speciei et generis declaratum est tibi alter esse.

Obes etiam scire quod quantitates non
31